

紫峴山人全集

詩自三百篇後溯唐迄今千百年間爭壇拔幟詩凡數變變而能
歸正宗者獨推茶陵論者謂其抗衡嶽而帶洞庭山川盤鬱篤生
偉人而又沐浴於沅芷澧蘭之遺故其爲詩也精深雄健跨越百
家以成一代大手筆斯言也於紫峴先生之詩而益信先生世以
文章科第顯於書無所不窺年十三登采石磯作歌人呼爲太白
後身蓋其學邃而才肆當夫興酣落筆凡少陵之沉鬱昌黎之古
奧王孟之幽深溫李之豔麗以及長吉之險玉川之奇靡不絡繹
奔騰齊赴腕下然而先生不自知也力之所至而筆至焉力之所
不至而筆亦至焉嘻其神矣夫以先生之詩工且富若此而僅由
拔萃舉明通作令於豫章輿嶠閒歿後數年其從孫小滄舍人宰
吾邑始獲搜其遺藁以授梓似乎詩人少達多窮之說不爲無見
雖然先生所能爲者詩也詩之遇不遇傳不傳則有天焉且先生

亦何嘗不遇而又何能不傳也哉適邑侯以全稿寄都中屬余弁
言于首余與先生交久而且篤卽以讀其詩之有得於中者暢言
之以質諸邑侯更質諸天下後世之讀其詩者惜茶陵未之遇也
倘令生復同時當亦歎爲廬山面目而喜其能嗣響也夫鍾祥李
潢序於都城十閒房

余束髮時以秋試遊秣陵與蔡子芷衫訂忘年交爲言湘南張紫
峴先生當世之雄駿君子也曾見其與芷衫論詩書連紙累幅識
卓詞鬯深探根柢總括流別斟酌騷雅幽求鍾律決顏謝之牆藩
溯曹劉之軌躅沿杜韓之巨派砥蘇黃之溢流鈞衡皆平銖兩不
爽心愛臚之以未得讀先生之詩爲憾欽欽在抱綿厯歲月先生
久歸道山芷衫聞已下世余亦髮斑斑有二色矣橐筆依人栖屑
錦水老病懷舊生意可知適先生猶子霽巖觀察以令嗣小滄明

府所刻陶園詩集寄閱得之不覺狂喜窮日夜讀不止目眩心賦
莫窮其瀾形神茹莫究其裏徒觀其筆酣興健瑰詭萬變聲動
簡外氣凌區中奇光霞摘逸思雲涌舞躍虎鳳鏘鳴韶韻高騁
厲勁出橫貫如崑邱元圃積玉相照景山鄧林凡木不植就末學
膚受所能窺測者其清壯恠偉已足驚爆一世矣先生天姿朗詣
秉性聰達曾襟坦迤不施戟級少承家學枕藉墳典金昆玉友齊
名競爽二龍儒雅三陽藻綴方之於古殆有過之歷宰名區政績
皆卓犖可紀廉問四馳惠氣徧拂蒼黎訢和冠紳歸仰記所謂溫
柔敦厚深於詩教者也芳燦雖未得握衣捧席親承警欬猶幸少
時與芷衫論交竊聆緒論茲以疲暮之年與霽巖天涯聚首備悉
先生之循蹟穆行又得全集而快讀之附姓氏於簡端托高名而
不腐猶此生之厚幸也夫嘉慶壬申二月既望金匱楊芳燦書於

錦官城志館東偏

子幼讀離騷愛沅湘名年二十六櫂舟浮洞庭畱長沙者二載弔
屈子之潭尋杜甫之墓間與其士大夫遊然求一振古奇人不可
得晚乃讀陶園集作而歎曰芷蘭騷雅之遺其在斯乎陶園集者
詩人張紫峴先生所著也先生之詩騰天潛淵陽開陰闔性靈清
灑才氣旁魄其力無所不到各體俱極精能當爲乾隆時一大宗
然邇年吳越閒罕有能舉其名者何與孟子曰誦其詩讀其書不
知其人可乎因遍訪諸耆舊及志乘所載知先生年十三登采石
謫仙樓放歌人呼爲青蓮後身由明經中庚辰副車充教習值大
兵征西陲奏捷爲良鄉民居賈店作凱旋勝帖千餘言一日夕揮
就旋舉壬午京兆當是時才名震動物望以鼎元相推而癸未會
試竟抑置明通榜旣乃以教習積資除宮縣令歷江右及粵東凡

六任劇邑屈首簿書移疾歸去晚年貧老以名山講席終嗚呼其
可悲夫世傳先生父垣禱於南嶽而生六齡時父攜之遊吳盧洞
寺僧異之曰郎君貌何類吾師之甚卒之時年八十三矣其子世
津自外入恍惚見先生出懷中僧帽載於首已而伏枕如故惟口
吟云擔柴運米百無能自讀楞嚴自翦燈夜半萬緣鐘打盡前身
南嶽一枯僧事之有無不足辨要之慧業文人生有自來理或然
也先生與當代享盛名者少酬唱酒人逸老時見於簡端其傲兀
之氣可想見是集爲先生從孫家櫟家栻一刻於楚北再刻於楚
南古文一卷尤雄雋岸異惜散佚多矣家栻年少才美成進士爲
予小門生屬爲序予不文恨無由親炙先生上下議論而嚮往遺
文敢以諗後世之知子雲者嘉慶庚辰仲秋長洲吳雲謹序

題詞

贈張度西先生

縣州李調元雨邨

憶昔論交金臺中一時牛耳皆豪雄酒酣拔劍各起舞顛狂往往
驚兒童當時意氣不輕許餘子碌碌非吾侶可憐萬事竟無成白
髮而今吾與汝君向青冥翅偶垂我雖得意旋乖違彼此無能更
相笑十年不調同嘲譏今年奉命過梅嶺行李往還擾君境時甲午初
秋公官始興令萬里南來遇故人此行細想真微倖羣瑜堂上聞雲和銅
龍照吸金叵羅相逢百斗不成醉人閒離別何其多君方在南我
在北均如繫匏不堪食殷勤相屬惟一言揚帆此去看風色度西先生
楚南名士爲人暫白如玉眉目如畫癸未卷亦在夢樓先生房中
已中第三名矣素昧經先生摘其莠遂以子卷易之選江西峽江
令子過臨江有和
先生江上短歌

編近集成喜接弟詩卽題卷首

兄九鍵天門

吾家詩賦遞登壇自笑年來意頗闌三徑菊松清鶴夢一溪風月
飽漁竿神仙搜索曩時能造化鑄劍幾日完近接遊編動新興海
潮人坐石園看

弟九鐔蔡潮

南海離蹤二十秋春風重送木蘭舟壬辰予由南海別兄北上討
赴中書省今又送之澧州對
牀舊約吟紅燭分手生涯笑白頭豈有聲名誇伯仲更無車騎結
公侯相逢斗酒何辭醉消盡沅湘萬古愁

弟九鏞平圃

兩載洪都載鶴回北窗此夜一樽開清詞似挾好風至佳句如隨
時雨來遠道關情依桂水十伯父司鐸桂陽
有潭上艸堂詩春池牽夢繞燕臺布
帆又向羊城去五嶺新詩著意裁兩博之行

上元 蔡元春 芷衫

稱說聞良友殷勤出綺篇

廿載前聞趙鐵如祠部盛推先生且出尊篇共讀

才名振京國

情性寄山川隱豈南昌尉

先生曾任南昌大令

丹分勾漏仙

繼任海陽

示余詩一

卷高韻邁唐賢

幾夕徵余夢飛飛鳳子來果驚五色筆繪出越王臺手采西湖藥

香傳大庾梅最憐知己感虞苑弔奇才

城上木棉發朝霞影不分醉心思舊語

尊集中有木棉掛城烽火雄句

回首憶將

軍玉女窗中月丈人峯上雲奇光紛照眼茲夕誦高文

斑竹蒼梧淚紅蘭碧杜吟靈均不可見湘水至今深一入朱明洞

孤橫白玉琴騷人千載後夫子嗣元音

先生籍隸湘潭騷人代興地也

我欲挹浮邱仙蹤隔十洲得同碧香酒如上紫煙樓黃鶴忽飛去

白雲安可畱預愁他日別離合似羅浮

又

氣如江漢水之大骨比崆峒望裏高古跡蒼茫紛在眼三湘驚見此詩豪

敬題度西夫子集後

受業同邑 蔡銑策君

海內騷壇舊主盟當年鉅筆掣天鯨世無李杜公何讓位隔蓬瀛我不平一卷棗梨傳後起千秋姓字祝長生辦香愧負師門約在耳言猶記憶清辛酉冬師屬及門鐫稿俱以貧乏負之今小院小蒼小珣兩明府代為刻成愧我及門多矣

受業同邑 吳淞牛江

詞源瀨瀚競騰奔誰障狂瀾問本原一自金華班馬重千秋風雅鼎彝尊李仙杜聖歸真地嶽色湖聲老故園我奉辦香三百外盛初中晚此閒論

論詩絕句二十四首

錄一

番禺 張維屏南山

詩人如林詩集如海欲悉數之更僕難終矣意到則言未到則否所論多

國朝人時近也多學東詩
地近也未論者他日補之

一老身窮一位卑筆端吐氣似虹霓楚中二百年詩客傑出茶村

與度西

其聽松樹詩話云紫峴先生詩學太白而得其真氣落想浩然
落筆灑然如風行空如雷出地濡染大筆而堪旗鼓中原非特
爲楚之雄也余覓其全集弗得今秋寓章門遇杜少牧秀才得
見鈔本百餘首亟錄其一二此諸吉光片羽云又松軒隨筆
紫峴先生詩余於詩人微略初篇已刻之先生
姪孫小珣大令家杖寄來陶園全集又摘錄之

道光丁未中秋讀陶園集恭題

江都符葆森南樵

天意扶騷雅生公莽蕩來豪遊盤鴉上健筆扼龍迴旋轉中原氣
飄零百代才嗟余後來者孤抱那能開

秋色收風雨長松識此音江湘餘怨託天地古懷深酒倦英靈歎

燈昏慷慨吟新交復羈旅把卷一論心

先生從孫小珣大令時客
吾揚與森訂交爲序寄心

集詩選並題森寄
陶館全集卷首

紫峴山人詩集卷首 題詞

六

紫峴山人詩集目錄

湘潭張九鉞度西著

姪孫家栻編次

卷之一

雍正庚戌至乾隆辛酉

紅葉山房吟

古今體詩五十六首

卷之二

乾隆壬戌至甲子

都講集

即北學集

古今體詩四十首

卷之三

乾隆乙丑

江帆集

即南歸集

古今體詩六十九首

卷之四

乾隆丙寅
丁卯以後四年闕

豫章初集

古今體詩四十三首

卷之五

乾隆辛未壬申

瀕遊集

即瀕黔集

古今體詩一百五十七首

卷之六

乾隆乙亥
癸酉二年關

吳越集

卽西湖結夏吟

古今體詩一百一十二首

卷之七

乾隆丙子丁丑

二嶺集

古今體詩三十九首

卷之八

乾隆戊寅

再蠶集

古今體詩三十六首

卷之九

乾隆己卯至癸未

三樹軒集

古今體詩七十四首

卷之十

乾隆甲申至己丑

豫章宦集

古今體詩一百一十八首

卷十一

乾隆庚寅辛卯

粵遊集

古今體詩一百一十四首

卷十二 乾隆辛卯

羊城訪古詩

古今體詩四十四首

卷十三 乾隆辛卯壬辰

如粵集

古今體詩九十三首

卷十四 乾隆壬辰癸巳甲午

嶺嶠集

古今體詩九十七首

卷十五 乾隆甲午至丁酉

海南集

古今體詩一百二十首

卷十六 乾隆丁酉戊戌

秋燕巢集 卽豫章三集

古今體詩七十六首

卷十七 乾隆戊戌己亥

吳越二集

古今體詩六十二首

卷十八 乾隆庚子辛丑壬寅

萍舫集

古今體詩一百三十首

卷十九 乾隆壬寅

江漢訪古詩

古今體詩十三首

卷二十 乾隆癸卯甲辰

遊梁集

古今體詩六十八首

卷二十一 乾隆甲辰乙巳

太行集

古今體詩九十七首

卷二十二 乾隆丙午

嵩遊草

古今體詩六十二首

卷二十三 乾隆丁未戊申

洛中集上

古今體詩八十六首

洛中集下

古今體詩五十五首

卷二十四

乾隆己酉庚戌

志餘吟上

古今體詩三十六首

志餘吟下

古今體詩三十九首

卷二十五

乾隆庚戌辛亥

倦遊集

古今體詩七十七首

卷二十六

乾隆壬子至嘉慶庚申下集自辛酉至癸亥

歸湘集上

古今體詩六十七首

歸湘集下

古今體詩一百九首

總共二千一百八十九首

從祖生於康熙辛丑八月三十日歿於嘉慶癸亥九月十九日年八十有三是集自雍正庚戌公九歲時起斷

自嘉慶癸亥中間七十四年詢之公季子余叔世津知
公生平所作不下四千餘首嘗客西泠攜稿若干卷爲
人竄取去今所存者十之六耳家杖屢刊屢續無由得
其全璧殘缺旣多編亦失次今得從祖手編目錄按之
某卷之下繫以某年蓋生平宦遊大略昭然不爽矣因
重加編葺云道光丁亥初伏姪孫家栻謹次於賜錦樓
之東偏

此余道光丁亥三次重刊之原委也二十年來舟車旅
次選本藏家搜羅殆盡得文辭詩賦若干首挨次補入
其原刻倒置錯簡者更遵年譜一一釐正每集繫以小
序每卷實以紀年比三次所刻文集詩集各增四卷計
文集十二卷詩集二十六卷詳年譜卷首全集旣完外

集繼出庶閱者一目了然而從祖生平出處可無遺憾
矣蓋四次重刊云倘杖十年前得以親炙先生其編次
不知如何詳慎也宜乎散失憂患之多也咸豐元年辛
亥仲秋從孫家栻謹識於古星田之東園

紫峴山人詩集卷一

湘潭張九鉞慶西著

姪孫家斌重刊

紅葉山房吟

雍正庚戌至甲寅先生自書卷首紫峴山人少作九歲至十二歲古今體三百四十七首已刪仍

存示

家扶諱案河西公麟於南嶽而生先生前身之為毘盧洞僧夫人而知之矣八歲再遊衡嶽有紅葉詩兄橘洲贈頌紅葉山房先生取以名篇著紅葉山房吟然止九歲至十二歲時作年十三以後作白下之遊所存亦罕雍正乙卯以後六年闕致粵遊集台江亭五律注甲寅仲秋賦詩於此然則先生三謁嶽廟之年尚有粵西之行必非無

金巽泉二兄過舍 九歲作

問訊楓林路相攜到草堂一心推管鮑七葉數金張感舊情無限
傳杯夜未央聞聽春鳥喚斜月映階涼

晚眺

課罷初離席，偕遊興頗濃。
雞栖尋舊堞，鵲噪入新松。
活活池流遠，陰陰樹影重。
忽來空谷響，方竹寺之鐘。

四日謁曾祖母墓歸途口占

東風到處滑山蹊，帶雪和冰踏作泥。
野草似知春意到，傲寒先已發柔荑。

送十三兄遊越

東浙趨庭去，南瀛命駕來。
暖雲連嶽麓，平野入天台。
颭水芙蓉亂，點波菱荇開。
西湖名勝地，分袂意徘徊。

送春

十歲作

春思總悠悠，韶華次第收。
已隨流水外，猶在曉鐘頭。
柳色含煙冷，花妝帶雨愁。
也知應九十，無計爲君留。

訪蔡黃門故居

漢黃門倫耒陽人居造紙見水經注

鴻荒治結繩淳風延深沕中古機變生書契迺增設漆簡與韋編

緘帛長短割取攜既累重價值每竭厥祖龍毒燄灰千百存什一

糠竹苦瘠燒家世謹案檣當作稿安澄年十歲時其父善書家貧

錄柳蒲費緝截無以便儒生曷由窮著述淵哉蔡黃門初制慧獨

出麻頭破魚網牆撫無棄物春杵糅鮮華焙晾風日潔造作首上

方流傳遂更迭訓詁資鑽研詠歌快奔軼編摩擇精良質劑收粗

劣前民以利用此豈小智術人心厭平濇天巧廣剔抉或籐角桑

根或蠶繭香蜜或苜蓿楮皮或菩紗玉屑吳越土宜殊楚蜀工師

別富能鍛高軸貧未金多鎰遮羅五行材宇宙皆充溢翻笑鐵撾

繁今古殊勞逸我訪龍亭居荒洲樹蕭瑟石臼久銷沈池香尚發

越徘徊蓬牕間感喟撫卷帙寺人具錦詩宣聖變雅列龍門良史

卷之八 詩集 卷之八 紅葉山房吟

首能附春秋筆。嗟哉溷濁中。體虧材則杰。藝事垂千秋。爲功在往哲。此亦出羣雄。豈以刑餘褻。愧彼肉食人。富貴名磨滅。

曝書

雨窗憐籍潤。晴喜散軒除。密葉籠蝌蚪。香芸辟蠹魚。排籤風漸細。整帙日應疏。自識生涯定。輝煌萬卷書。

聞漁歌

欸乃歌何自。漁人憩此林。青簑懸擔久。白鷺入雲深。不道南塘路。重聞西塞吟。憑欄聽漸杳。風裏送餘音。

聞德彰母舅談洞庭山名勝

震澤八千頃。中流萬仞山。原連天目外。影落具區間。樵唱晴嵐遠。漁歌雨渚閒。探奇逢地主。何日得躋攀。

江夜

十一歲作

今夜眠何處。盈盈水氣中。燈懸帆影落。人靜櫓聲空。江月涼生被。湘雲濕惹篷。枕邊如有夢。應在水晶宮。

白鶴泉

吟殘午夜正悠然。嶽茗聊烹嶽澗泉。白鶴似通詩客意。雙雙飛破小鑪煙。

立秋後一日如一席閒晤上封瑞檀大和尚

一樣名山會。君今卓錫遊。祝融峯頂月。雲麓寺旁秋。字憶前年對。巖方屬對詩。欣此日酬。何時重拜嶽。題徧上封樓。

歸舟

歸思憑湘水。還尋捷徑過。流通之字港。棹入瓦官河。小市臨黃葉。輕舟繫綠蘿。漁翁同宿晚。對月亦長歌。

中秋懷嶽八首之四

薄暮肩輿乘月上祝融峯頂度中秋老僧乍覩如相識笑指山鱸芋火畱

重綿深夜度層岡望日臺前八月涼卻喜精誠通帝座正東踴躍出真陽

說到朱陵瀑布光山窓夜半坐生涼珠聯玉碎尋常事獨喜源頭活水長

轉恨當年未學詩開雲樓上枉栖遲而今領取窓前月不是南山獨立時

三夏專攻左傳綱鑑古文立秋日告竣喜賦

經史連牀學未通詩文咸廢事專攻蟲飛絳帳朝趨訓雞喚黎意夜課功半載神遊千載上七年業進一年中而今朗咏新秋月猶憶雙燈徹夜紅

左黃詩句滿湘潭

先生原號左黃至十一歲始號度西

漫云先達愛吾詩落筆吟成興所之若向詞壇嚴紀律難將此事
應人知

重新枕石山房

十二歲

異樣堂臨石門窓別易規難談移舊枕燕語識新楣喜杖黃公策
還燃帝子藜牆花如會意閒放雨三杖

朱洽庵以晉陵女史吳靜莊寫生冊子索題

畫水仙

本是瑤宮第一姝江鄉小謫態仍殊黃雲承襖行來是明鏡搖釵
望欲無含素體偏饒娥嬈寄愁魂不厭清癯休言色樣黃筌借自
有水心貯玉壺

畫綠萼梅紅梅

夢綠華來曳翠裳何時也伴漢宮妝西岡應借雙身句玉照何分
四面堂么鳳欲藏微辨影丹禽乍拂更疑香展函恰向維摩室便
作天花灑幾場

畫雞冠

低垂疑側赤瑛盤獨倚將扶百寶闌載露軒昂神迴出迎風飛舞
態真難誰知香閣調丹日別翦春雲入手看秋色清華全拾取丹
砂應飽靜中餐

畫桃花

暉蘭陵俊馬江香又寫春花競豔陽雙朵人誰疑掩映五更風不
妬芬芳仙源遮莫逢漁父粉本非關傲趙昌臍欲西郊尋畫境密
林何處繫絲韁

畫洋菊

採英不必傍東籬
綺樹黃瓷借幾枝
五色露揉深淺豔
七襄機幻澹濃姿
翦將秋色清如許
鬪得天工巧付誰
好酌延齡觴靜對
黃蜂粉蝶那教知

畫秋海棠

何心爲惜斷腸花
要與高秋寫物華
階角牆陰甘寂寞
首扶石襯未橫斜
猩紅著點微酣酒
文綺盤絲細鏤霞
我亦欲燒高燭照
輕寒不礙卷牕紗

嶽麓六朝松歌送瑞植師歸祝融峯

雲麓劈立星沙前
招提拔起赤熒天
下臨一縷之湘水
驚濤雲氣常相連
禪關雙松踞怪石
云是六朝之所植
挈霄詰屈不知年
裂地輪囷那記尺
鬣髯螭甲摩青銅
荒唐古貌煙籠從
袷衣六月坐其下
往往爽颯來寒風
吾師昨下祝融峯
訪我繭足深山中
龐眉

皓首坐石上豎義壘探元宗我昔六歲時家嚴攜之謁嶽靈雲
梯突兀三百樹一一盤作蒼虬形是時八月挂早雪上方孤頂摩
天青師驚拜我呼尊宿五日留之飯松粥黃精苗盛芋魁肥白藕
青蓮對相屬心通白藕舌湧青蓮余六歲投地瓔珞街前舊相識十年
不見感疇昔讀書禮佛事如何學坐蒲團盤不得毘盧洞裏松作
花師將飛錫歸其家我方驂茅龍以邀八極騎大鵬而凌脩霞

登采石謫僊樓放歌

十二歲

借我寒眉萬古之明月照我長江萬里之孤舟醉我樽中千斛之
美酒坐我青天百尺之高樓危磯冥冥猿啾啾怒濤走渚聲奔牛
橫松倒江風颭雙蛾橫掃天門秋樓前何人擊大鼓使我聞之
如如雨任城誰伴狂知章歷下不逢老杜甫乾坤浩蕩日月白世
有斯人容不得空攜駿馬五花裘調笑風塵二千石天生鞭撻風

騷客肯上樓船同作賊黃金唾棄不原功翻令銜哀夜郎謫宮袍
落拓何處來磯頭淚灑孤臣杯開元天子真知己七寶方牀安在
哉心懷濟代浮名誤學佛求僊了世故死後能令泣鬼神生前已
悔工詞賦我欲招之騎黃鶴飛出江湖下衡霍玉簫金管擁羣鬟
喝月青山銜不落徑須提挈崔宗之共捉長鯨拔其角自從大雅
久沉淪獨立寥寥今古春待公不來我亦去樓影蕭蕭愁殺人

采石乘月渡江中流作

如此大江如此月況與古人作離別一身萬古欲焉依徑掉孤舟
走寥闊梅花雨漲春江肥東風不力潮不威圓靈千里浩一碧江
姝獨挾明鏡飛舟師喜我能豪往爲我盤旋緩蘭槳手掬銀波珠
灑衣杯翻瓊雪香盈掌江南羣山澹入無濛濛著我衣五銖金焦
兩點如荇藻擷之不得收冰壺百靈涕淚無言說天遣燃犀一宵

徹人閒何物狂書生長歌直破蛟龍穴無須更呼崔宗之洪濠行
樂非前期謫仙死後千餘載月華待我知幾時誰歟來者繼此癡
吾亦停杯一問之

金陵任文斗宅同汪大京門觀蔣生戲技夜聽王生彈箏

作

秦淮再來汪君老相逢何以開懷抱主人愛客請罄歡開筵怡對
鍾山曉座中楚狂狂于歌欲歌無奈汪君何主人急召蔣生至使
作戲技聊婆娑長袍雜珮冠垂纚態作少年褻屣喜談諧頗學郭
舍人脩飾不同漢侯子袒胸示客無所挾吐火吞刀先便捷五尺
紅氍毹百變生疑有鬼神相取攝錦鱗躍盤兔出走寶燈十丈龍
螭百鳥朝凰花爆喧弄丸拋鉞不停手滿堂賓客皆睥睨戲從
容自整衣石城紅雨凍不下芳草欲點梅花飛自言曾隨蔣相國

鮮衣怒馬侯門塞如山珍饌每停猶厭北庖太煎炙長安身手
多强健新者相乘舊者倦懸驢夜出青陵門方歎途窮技本賤如
今秦淮老狎客招之但飲不索值停杯戟手淚漣流苦遭輕薄相
彈射汪君汪君且盡醉休下青衫廿年淚吾曹竿木亦登場可憐
別有平生事秦淮之水清復清主人欲別難爲情筵前白髮知多
少況聽王郎一夜箏

聞鄧尉梅花盛開自京口買舟夜行達楓橋適吳堯年秦
崑源自包山至

忽有梅花信吹來一箇風獨乘千里月飛過五湖東天白知山近
溪香得路通今宵吳苑酒先與故人同

同堯年崑源買舟曉入香水溪

春水澹初綠春山寒又陰漸聞空翠外時有數聲禽日色半峯出

風香昨夜深無須競絃管林壑足清音

望靈巖山梅花

春色醉吳宮啼鶯曉曉風西施初睡起笑倚玉簾櫳影落太湖水
妝成明鏡中人閒聞響屧香霧只濛濛

題董旭所畫東方曼倩圖像

武林董旭家業治不獨嵇康鍛松下一朝肺腑忽通靈佛像神圖
快揮灑平生愛貌曼倩翁心游物外飛洪濛懸珠編貝出髣髴伐
毛洗髓窺神通俗工寫真憑粉本土木形骸徒蠢蠢幾時巧遇太
王公爲把儀容傳大隱金門執戟手已空布衣艸屨乘天風蟠桃
何物污其口丹顏那借王母宮滑稽便入史遷傳拔萃終符夏侯
贊虛堂欲下何翩然蟬蛻須臾駭龍變求仙笑煞漢皇癡歲星在
側胡不知前看今日圖中意豈是靈公桂父姿旭也長貧勞索米

渴來但飲西湖水那得黃金賜十斤臣朔也曾饑欲死

家拭案太王或疑作

東王公考太上隱者仙吏傳朔未死時謂同舍郎曰知我者太王公耳太王大隱當出此

過滄浪亭

涼風撲面吹酒醒短衣重上滄浪亭魚唼浮萍日淦淦鸛啼老樹
雲冥冥當年木石知誰助終古溪山爲汝青如此風流在謫宦天
涯何必怨飄零

題嘉善黃梅園垂釣圖

三泖煙波接具區迴溪一曲綺平鋪蓴絲初熟蘆芽嫩斜日西風
好釣鱸

送人之太湖

九面青山十幅蒲東來紫氣接姑蘇白雲不隔衡陽雁一紙歸心
滿太湖

壤餘樂府偶存

子夜歌十五首

高樓不招風懸簾當牕著以絲宛轉纏內密外不薄
剪刀翦江水江水不斷流不知歡持心亦似江水不
儂爲長慊慊歡亦但的的亂流織作縑到曉定成匹
方局十六道期合在中央休言心不平但取開局長
歡種宜男草儂種梧桐子桐子一千年樹老心不死
莫打長鳴雞但彈烏臼鳥雞鳴自有時烏啼不知曉
與歡相期時江如菱花鏡不照儂容顏但照歡情性
春蠶癡作絲况復迫就火只解絲復絲不知自縈裹
邀歡作誓時歡指南山柏不忍言姓名使儂中心惻
三更就儂宿到曉語不止破壁畫鴛央那得畱影子

東房安蠓牕西房安鏡戶不望歡行時但望歡來處
繡出合歡鞵上有芙蓉妍攬抱能幾時恐作脫葉蓮
不愁藕絲萎但恐蓮不實藕絲有斷期蓮心無壞日
鏤金裝璜瑣外豔內則薄沈香炷博爐炭熱心亦著
庭中有奇木恐是合歡樹勿傍黃蘗栽終恐爲苦誤

湘行雜詠四絕

谿樹行已深鷓鴣啼未夕風吹斑竹林中有蒼梧客
江迴洲渚多寺隱松篁倚不見欸乃人碧天接秋水
嶺北人初去邕州瘴未收不知陽海水何事只南流
已過觀陽峽猶聞杜宇聲槐花開滿郭知是越王成

男姪

聲有音孫敝

如泰

沃

裕幹

光

校字

辛陽山人詩集卷二

湘潭張九鉞度西著

姪孫家斌重刊

都講集

乾隆壬戌至甲子

嘉慶辛酉先生年八十一矣葺詩稿斷自乾隆壬戌此其首卷也紅葉山房吟不錄時先生

廷試一名補教習大司成崔先生重之甚都講集誌北學也

前石鼓歌用昌黎韻

雍試作

岐陽獵碣唐始著吏部左司爲詩歌文王宣王時各異攷古之士
將如何或云可疑者有四馬鄭嘗議生牙戈廬陵信好有定論藝
林迺得垂不磨陳倉雞叫地乳裂元精造化誰爬羅踏天揮刀太
史手赤文綠字鑱嶺峩山川覆陽鬼神怖踴躍豈肯埋陵阿無聲
鏗鎗振西極雲霞蒸氣相嘘呵風摧雨洗秀益出瓊包席褰神無
訛汴燕次第勤輦致填金幻醴醕蚪蚪護車焜耀舞鸞鳳夾船恂

况扶蛟鼉安置中園輔文教脩簷覆以柏千柯中興禮樂猶赫施
坐看歲月如流梭我

朝辟雍典制備冠裳劍佩行委蛇重門大戟罕恩覆不侵滕六凋
霜娥冰斯之先有鉅製亦如晉祭先渚沱縱橫缺畫包密義滂葩
細豔韻鏘和簪毫四門僂博士拓本文學繁丙科一字一縑非虛
譽音訓辨難通儒多愛其古拙兼嫵媚甯比作賦譏疥馳鰕生家
近岫嶁下萬八千丈曾經過金泥玉檢蟠絕頂老樹怪石聲相礧
神禹之書索何有水篆流作瀟湘波從來鴻文存世宙那得完好
無偏頗十鼓唐初已亾一皇祐搜補况其他對之肅穆輒拱揖詎
敢私議辭嬖孽東觀讀書思未見珍此先喜徐按抄六書之學面
牆立也復長詠還短哦甲乙分鉞自審定徑欲綈綈裝銀鷺方今
人材萃太學東者渤海西朝那嵩山石室廣搜揚彤廷上貢車接

軻蘭臺漆書正謬誤淹雅能辨豕渡河詞章黽勉報景運毋嘆黃
馘空蹉跎

後石鼓歌用東坡韻

教習官學生作

甲子之歲月在丑釋菜成均聚儒叟我攜弟子習禮儀俾觀石鼓
循廊走前春靡試和韓歌司成謬贊不置口險韻澀字學步難安
能直踵前賢後倉皇造畫奎宿開切運全銷避陽九讀書識字溯
本源干祿豈惟事顏柳籀文突兀湧青瑤編貫珠璣列星斗摩挲
鱗甲起寸胸剗剔煙雲被雨時簪花美女致踟躕勁草勾萌出根
莠吉甫詩頌迺揚庠召公主璫甯堪友宛然太和成周閒祥氣薰
蒸育黻敎六書形體代變易十五篇已殊蝌蚪鴻都一字寫石經
觀者摹鈔遍黎耆摧殘佛壁拋荆榛鼯鼠爭眠豺犬吠縱然魏晉
多補寫湮沒塵埃等爨卣豈如此鼓三千年天開韓曠爲聰聵秦

湫楚詛轉眼空南北相望齊岫嶼汝曹公侯之苗裔立學擇師
主恩厚當時授戈講藝來園橋環聽臣某某知觀此鼓氣奮興大
禮蒐苗三代有縱橫鸞鳳生羽翼飛舞蛟龍脫鎖紐冠裳想見集
共球典物豈能委芻狗子孫尋繹比詩書樂正春秋教非偶語奇
句重色爛編車攻馬同居其首潘氏音訓昔共稱不與升庵破擊
培直令三舍聞典型誰使六丁枉攫取世祿致身非一階但勿聲
名稍蒙垢他年左右選徒多定隨
天子事巡守史官珥筆作歌辭文字功勛同不朽鏗鐃萬古起
光此鼓與天更齊壽

偶作

冬山暄暖小牕虛隱几蕭條髮未梳太學齋鹽應不減官曹裘馬
竟何如經年胃病愁當酒萬事心灰懶著書惟有物華能戀客丹

楓紫柏夕陽餘

送倪黃門先生以宣諭使巡行江北二首

左掖崇班著直聲忽銜

天命促雙旌使臣新拜黃麻貴夫子真爲木鐸行露冕郊原非顓
眾依車父老各言情定知導暑無餘暇江草江花不記名

恤刑一疏達

宸聰王事賢勞倚任隆

去冬先生上勤政恤刑疏

民俗偶然違禮教

天心早已格愚蒙野廬山館供儲減鄧長閭師警戒同行李一肩
書一帙馳驅循分豈言功

武夷周翼亭寫朱陵瀑布圖見贈索歌

晴天安得雙白龍冥冥飛挂蕭蕭中武夷畫客老魄力劈開玉峽
青芙蓉平生未識朱陵洞芝檢金泥孰傳送經營五日筆屢停匹

緇森森忽欲動。昨夜五彝君設宴。幔亭口相迎。祝融帝車挾蛟螭。
走虹橋。一萬八千丈。倒翻銀漢浮星斗。長風吹斷不可尋。曉來墮
落周君手。惝然坐我紫蓋三峯根。長松走裂南天門。中懸貴主水
晶箔。上借玉女洗頭盆。徑呼松陰偃佺翁。相與飽喫黃精耳。更尋
九曲溪邊路。丹穴下與仙掌通。我歸歸不得。君去去何益。且對濤
聲支枕眠。雷雨喧阗在虛壁。

寒夜觀閩中施守備渡海遇颶祈海童佩刀歌

猱颶捲廊栢。怒號撼牕雪。片鳴刁騷燈昏杯搖動。溼溼海氣突入
驚飛濤。施君酒酣膽更豪。出示舊斫海童刀。忽騎如山金背鼉。狂
呼奮躍十丈高。刀與鬼颶相戰鏖。數千披髮快刈孺。腥脂不染鋒
纖毫。血凝婆蘭堆紅膏。神燈海后簇錦旄。天吳淵客紛遁逃。星懸
月朗天收妖。笑舞頓地捲赤綵。四座凜凜寒生毛。君家元侯鐵券

魏謂施恭
襲公

靖海膚功號無敵長節穹龜快一擲狡童怖死灰釘匿

至今刀劍家廟赫子孫寶之惜手澤君力猶能挽兩石湔洗微瑕

効奇策材官蹶張亦報

國胡爲鬱鬱長安陌此刀冰稜夜嘯壁十日出函一摩拭勿斫海

童斫海賊

送興官諭樸山先生扈從

盛京十五首

穩着襜褕跨玉驄腰懸寶劍鐵胎弓從來作賦長楊者侍從常居

豹尾中

其一

滿洲才子十能文官諭雄豪更出羣今日揚鞭看山色別余笑指

海東雲

其二

星罕芝旗擁鉅鏐羽林萬隊盡貔貅誰知朶殿簪毫手射雁偏能

挽臂鞬其三

盧龍大塞衛神京
絡海包山石北平
拜罷昌黎祠下望
青天如鏡

五花城其四

醫無閭翠嶺斜陽
覽秀亭高俯大滄
可有東丹書萬卷
桃花洞裏

尚深藏其五

松山百戰杏山高

天語應褒汗馬勞
歸傍星廬詳紀載
已勝退食咏金鼈其六

龍飛鳳舞擁陳京
肅慎高驪四拱橫
繁攷遍遼金舊宮
殿茲行奇博

冠平生其七

深藏弓劍萬年基
長白雲霞彩陸離
杜老橋陵詩體弱
願懸鴻筆

賦新詞其八

丈人朱鎗號帶飄
龍駒血汗濕猶

神孫展謁千官從仰見音容下九霄

其九

殿高崇政玉堦平拜舞班聯旭色明知有前臣能獻賦信徵華實

繼都京

其十 先生撰 御
崇政殿朝百官賦

遵時講武耀威靈申令三驅羽騎停不用頭驚開大宴天風看放

海東青

十一

秋江鴨綠富鱗鯉躍網銀鱗六尺長饗宰雕盤分賜出先教鄉味

侍臣嘗

十二

槐花溢路拂和鑾丹粟開時八月寒歸過郊垌好風日更看紅葉

滿田盤

十三

鼓吹饒歌曉入關太平

天子上

陵還都人夾道歡相指煥璧班聯豹首班

十四

浪屬銀毫大似椽松花江石綠紋妍他時示我新遊句快寫辰韓
日砸箋十五

贈吳練江歌

國朝篆刻多妙手許容程邃工稱良我初入都誰先識武林吳君
猶擅場吳君能作六書攷愛學文彭謝妍巧蒼古瘦硬兩兼之秋
鷹露筋虎挾爪諸葛良輔介菴僧吳也與之三絕并休寧戴椅交
君好兼愛詩詞婉且清曾入內廷如意館書玉紫瑤堆案滿中官
傳索刀如飛鳳篆龍章連健腕時頒鈔錠出朱提跪捧

天恩布衣短自從拜辭朶殿直貴戚權門無足跡黃金不繞骭隣
身妻子飢寒任交謫介菴所刻惟公卿往往一石十日成乞之踞
坐或怒生文彭舊章我藏得吳也倣之快雕刻篋中尚有戴椅題
裙阿離奇光幾尺如今七十頭禿白徒步城西壁面黑殘詩舊譜

委我牀乞我游揚紫米值長安西山石價重那得青田壽山凍嗟
君袖手但歎息腕力不得恣盤縱有子亦能辨蚪蚪僅揮麈石使
琢磨戴椅已亡君老矣且摩石鼓歌韓歌盛名輒軻夫何用俗眼
紛紛或遭訂騎驢不識舊山人休說內廷老供奉

時練江
將南歸

百杖齋行爲少司成塞紫峰先生賦

或拔赤龍鬚或截麒麟角或盤鶴膝金或琢鳩首玉或蓮花不萎
或木瓜再熟或羅浮桂父所貽或太乙藜仙所卓日精女子斲青
藤大夏使臣與邛竹天風鬱怒掃巖粦雪辭霜皮誰敢縛飛騰九
節各爭雄偃蹇蚺蟠光錯落搜羅日月恣酣嬉磨洗鬼神助磅礴
蓬萊冠帔列班行武庫戈矛交臂腳爪甲鏗然躍一聲素鏹搖搖
倚無著先生舊茲百杖以名齋尊彝盃匱左右排異書龍威罔作
伴古研鸛鶴陳爲儕作銘撰譜紛狀態青瑤字挂鐫牙牌摩挲一

日一怪彩滑欲手把還疑猜橋門罷講歸館壁葛巾筍履經客步
焚香瀾茗散帙閒巡簷笑試齊眉拄花閒提席召門生三舍詩人
簪筆聚我來入坐忽起移似見驚螭奔出戶先生詩骨秀其風穆
如清同朝薩學士白髮名合并有時星廬互酬唱脫手傳遍長安
城卽看延年靈壽

賜爲齋璀璨增光榮先生今秋乞休沐房山將入東西谷好攜吾
輩四五人鐵鍛金鑲荷相屬都籃取次挑山花冰磴雲梯無趑趄
先生更上摘星陀放杖長歌俯遡遐

鞠蹴篇

蓮池匯雙湖水結銀宇曠縱橫拓毬場縹緲懸武帳虎賁中黃徒
奮勇誰甘讓袴縛黃皮堅臂絡錦鞬暢神珠跳空飛紅星駭流宕
霹靂起鞭馳將下復羣抗分行爭喧虺起距迷背向怒鬣迸蹄翻

倒躍三千丈蛟龍踏欲穿天地爲神王得彩散日斜瑤島但遙望
當時霍嫖姚穿域事非叔勝戒志飢疲暇令勢頽頽豈徒趨捷習
兼令威容壯赴敵黃法薙摧鋒麥鐵杖石林越峯名漆城上光光
去此技亦良圖可語防秋將

角觝篇

角觝不專勇在運機與智兩雄未交時植骨顛盛氣擻揭旣相當
力以從容制非飽李陽拳詎幻陀羅臂摧頽在一飢蹠勁得全勢
隙地渴沙平暄日柔莎麗東帶縛襴襜用以程材技勝者靜不驕
負者斂而退欲奪錦標雄練習蓄精銳頗聞外彝人悍若虎狼猊
恃其羴羴形思爭撲打戲壯士一噉姦脰股易爲躡弄之如彈丸
擲之如犬彘遇我期門徒胆落輒逃避

國家太平時小不忘武備雖爲軍中樂亦足懾四裔

冰鞦篇

冰鞦製絕奇其底中界鐵扶寸磨晶瑩側勢便引掇阮屐蠟偏新
仙鳧形獨別力制重輕閒熟巧憑勁滑城溝與池窪練習費時日
旁有老衛士指點爲余說季冬太液池凍合層冰徹重壁平砥矢
積璐銷凹凸

天子御瀛臺星罕開霽雪卹我禁旅寒何以禦凜冽思將材技旌
稍補兵餉缺虹堤樹長標程式在駟轡鼙鼓轟逢逢馬與人齊發
飄然行御風倏爾化奔蛺步叱茅龍飛圓防紅纛指巾幌紛飄颻
佩囊舞綵纈於中雜戲陳變幻更結瞰鷺拳金鼇背雀躍凍蛟穴
銀海眩生花錦繡俄一瞥怒鬣未收棚手先紅旗奪鼓歇矜整衣
翻笑騎力蹙內府擲黃封跪頂金三鈿馬未到標下水鞋先餘以
次第頒歡聲動城闕銷寒爲茲樂三軍挾纈悅豈比戰昆明徒勞

水嬉設

未收疑誤字是

送樸山先生典試三秦六首

奎宿西方朗文昌甲子開賓興遵古制遴選重英才

御墨書名久瀛洲下直回門前新擁節羌馬繡鞍堆

其一

經術昌明會淵源在禁林辦香千古業軌範一生心蘭芷曾搜採

菁莪更揀尋曲江池上望先有使星臨

其三 辛酉 科典試楚南

畿甸槐花路遙遙接井陘雲霞穿塞紫人馬入嵐青霖雨村村足

農桑處處經歸來報

天子臨几笑徐聽

其三

秋色關門早飛泉驛路多蓮花園白帝仙掌插黃河鐵峽希夷篆

靈臺供奉歌知公雄杰氣直欲上嵯峨

其四

天府三秦地人才自昔雄詞章班典校經學焉扶風決擇歸淵鑒

規模仰折衷，瑤琳西服貢。盡入網羅中。其五

撒棘畱餘暇，輶車取次行。尋花韋杜曲，攷古漢唐城。硯拾鴛溝瓦，詩題雁塢名。橐中無長物，快慰足平生。其六

題柳潔夫三湘泛棹圖兼哀倪黃門先生

昔我初游夫子門，幕府才士來便番。洞庭無波清見底，魚龍回合水壺尊。柳子真靜者，矯如綏山鶴。森凝刷羽毛，可以鎮凡俗。砉然一唳，江海心獨往。冥冥亦何縛，米家書畫千斛舟。張帆伐鼓，妃出謳。七十二峯雪，揮漢碧湘一線齊。天流此時詩情與畫意，筆床茶鎮來夷猶。狂飈蕭蕭如吹人，坐令師友東西聚。散各煙塵，我騎瘦馬踏燕市。君弄歸棹西湖濱，使旌回首亦不駐。燕畱花送傷心神，又知君裝打急遞。攜圖經叩國門闥，長安六月苦熱暑。相見磊落忘饑貧，記得吾夫子。自寫衡嶽圖，君亦吐新詩。祝融朝霞朱五粒。

軒中春滿座紅梨花發倉庚呼美人南去無消息羊曇西州思何
極昨夜湘江咽素秋香衡芳杜凋顏色墨痕如雲淚如雨哀樂茲
圖皆閱歷煙波一片塵沙叔披圖中夜萬感積冊首大書孿蛟
對之遭範若動搖買絲爲繡那可與君招魂讀離騷招之不來
霜空高收圖風起吹鬢毛

題武林柳潔夫負米圖二首

遊子在天涯慈母已頭白對此五侯鯖噉噉不飲食雖有中男謀
亦各盡其職朝辭春明門暮行黃河陌林鳥鳴其前淵鯉躍其側
升斗雖云微迺自長安索文章白華養天地心亦得

一鵲噪湖村羣雞上樹飛慈母開門笑遊子萬里歸繞膝任撫摩
篋中出斑衣初日照園林爨煙鬱霏霏白粲盈盤珠荀香雜魚肥
慈母爲之喜呼孫更含飴不願萬鍾養但願崇德輝百年承色笑

負荷無窮期陋彼空倉雀何以恒苦飢

恭送大司成蒲坂崔先生視學江南二首

宮雪初融拜命行東南星斗護雙旌代多經學推元長

帝爲人師倚老成地洗六朝金粉盡天歸大海玉壺清知公氣節維文運不使詞章競立名

三載橋門立雪深六經同異共搜尋江南得士知黃馘天下憐才獨赤心都講青門爭祖道諸生上舍爲停吟白雲凝望鱣飛遠行李蕭然出禁林

乞周翼亭爲作風雨渡江望匡廬雲氣圖先作歌

白日雷雨兩袖閒蒼茫攜出匡廬山匡君面目盡藏匿那肯易見狂生顏踉蹌挂席潯陽郭曄風鼓浪江聲惡中流震掉獨放歌雲族紛紛篷底落大峯含濃愁慘澹黑入太陰交小峯醉深墨傾冠

倒笏披頭毛南北峯怒爭奔走離合如喧號倒掛蓮花枝銀河倘
沈幾萬條忽然絕頂一痕露衝霄紅紫香爐燒夕陽冥冥割吳楚
九江湧作金碧濤浚晨五祖山前路五老鬚眉猶恍遇將憑翠羽
一雙飛題詩寄向匡君去長安城中塵渾渾鉤簾寂下深閉門清
猿耳邊不得聽鬱然三載勞夢魂周君筆力破吳絳盡學二李兼
二米潑墨淋漓東縛難雄氣盤旋隨所使嘆我扁舟欲往迷歲年
先向今朝脫泥滓

洗象行

國家異物非所重獨珍馴象扶南貢掌之七校與千牛居以王閑
食以俸聞鐘鹵簿行列齊巍然黃仗天門狎豈徒威勢示遐夷要
使莊嚴肅法從京師最盛洗象晨香車寶馬來續紛涼蟬收雨麗
曉瞰銅街如鏡不動塵黃門鼓吹導彩幟按其品級行逡巡青天

黑雲湧城出二十四鼻山嶙峋玉河踏翻鵬頭綠直破深潭快騰
蹴虎毛奴子掣紅旗飛鉤一躍青霄逐盤渦出沒縱指揮駭浪墮
逐聲振屋前驅儼奮戰鬪威風鳴雷吼蛟龍蹙那須金絡錦襜裝
百花樓前作舞曲嬉游移晷辭因憐鞞鉦擊鼓歸房新笑官夾道
驂驪映斜陽送入宣武門洲空沙淨天浩白三日不合畱水痕吾
聞王師平普洱象開山谷成奇勛雍正八年事迺知此物含靈性報
國蒼茫若有神

男姪

聲有普孫啟

如泰

沃

裕幹

光

校字

紫峴山人詩集卷三

湘潭張九鉞度西著

從孫家弼重刊

江帆集 乾隆乙丑

舊例拔貢 朝考一等以知縣用二等以縣丞用合河孫文定公奏是科拔貢多英雋請留成均肄業期滿將外用矣先生不得已乞假由潞河歸里著江帆集紀南歸也

舟發潞河口號

踏月高歌復大笑茲遊豈與鴻濛期
雲天秋水流不盡江湖經濟
來何遲黃金聚散總陳蹟
白舫淹留無定時飄然揮手去泥滓
布襪青鞵隨所之踏月一作踏舟

重過德州

曾解偏提問釣磯綠楊深處暗斜暉
王戊孟夏過此天涯物味長泥滓
河上形容舊布衣
白岸西風帆影疊黃邨疏雨黍行稀
是非來往吾

箇識怪爾遙空一鷺飛

臨清州待闌

開口黃濤隔千舟爭一門幾行新樹影數板急流痕餅熟驚鴉攪
瓜浮引鷺喧齊歌不可聽倚棹數風幡

時演劇祀金龍尊神

夜宿七級聞水聲有感

秋雨打孤篷遊子中夜覺篝燈淒以涼百物下寥闊開口何嗷嘈
一夜積濤蹙抑揚疑遠近往返雜歌哭低吟不能長萬感滿胸曲
想見故山阿流泉灌茅屋荷鋤覘遠脈濯足亂新綠幽期隔塵沙
歲月惜局促南蕪久思張北士不輕陸鄉思逐推遷羈愁震耳目
此身尙惆悵所宅亦未卜壯齒不恒居古言有三復起弄明月流
濕光滴衣幅

新月

風柳搖初吐，雲樓狎半銜。碧澄新漲水，黃映欲歸帆。客興銷桃簾，秋聲妬布衫。閨中挑錦字，潦倒四年緘。

閘河曲三首

水漲閘門開，水淺閘門閉。漕船黃頭兒，但畏赤棒吏。
停船試借問，幾日離張灣。僮語峭帆去，斜陽在嶧山。
一閘復一閘，閘水清粼粼。江南好明月，愁殺舵樓人。

大漲二首

莫上舵樓望山東，一色秋飛烏將遠。客已近古徐州，呼童網白魚魚肥不著指腹中。是何物，淚與雕胡米。

夜行駱馬湖達宿遷一百里二首

一雁去長煙，歸心逐夜船。遠空惟有月，深水更無天。樹火風吹盡，湖星浪湧圓。挑燈千里合，龍出布帆前。

雞鳴蒼月落遊子去何之欲問江南路飛鳥亦不知河聲流廣漠
山勢變迷離蒲葦偏相妒天風近夢吹

宿遷待關

伐鼓雄關宿霧屯長隄漠漠斷城根河分西北雙流吼日下東南
一綫昏載枕更防秋汛險薄裝箠覺稅官尊危樓醉後聞殘笛銷
盡三年久客魂

渡黃河入清口二首

蒼茫誰得任一棹入欹傾白日沿霾轉黃天吸水生山容飛鳥下
風捲斷雲橫咫尺糧嵯隔東南日夜驚

清黃驕不受萬頃劃中開徐沛崩天下洪湖闢地來三州爭搏蕩
一口逼縈迴入閘勞魂定臨流欲酌杯

暮過高郵州

甕社湖深水指東玩珠樓影拂征篷
荻花香冷歌前月蒲葉聲多酒後風
鄉夢夜兼柔櫓發詩懷秋與遠煙空
文游臺畔登臨意一枕寒蟬恨未窮

松陰洗研圖爲楊劔溪司馬題

大丈夫不必食萬鍾粟亦不必積百斗玉但願奇石大小羅列如
百城一日摩挲意已足先生居松底愛硯如愛名踏天摩刀割均
脩青花蕉葉橫庚庚日香摩几發包裏墨痕一線傾無聲豈惟蘇
髯涵星泓銘詞笑過心太平蜀岡石幹裂薛皮溪魚銜鞋子墮衣
此時出硯飽一條滑光照手把欲疑金壇妙手王岫君一硯易委
真豪橫爲君琢硯窮心力規摹古製無俗情作圖者誰陳鶴亭又
與先生好硯三絕并君家侍御文壇傑玉堂舊樣梁黼埒謂令弟時塘侍
御分閤潑墨氣淋漓我亦相隨數晨夕文章出處同交結玉德金

聲如此石披圖撫硯擊松枝痛飲狂歌惜不得昨夜雙枝擊水踴躍學化龍江妃溪靈下攪攪雷雨呵護東堂東便恐騰擲不可著徘徊江南浮玉之青峯自古尤物豈終秘不見圖中座右夜夜貫月光如虹

題劍溪所藏王孟津贈趙洞門墨蹟

字不著紙皆起舞壯士夜發萬機弩赤手入水縛生蛟峽隘水渾怒相距孟津剩此磊落數行字奇氣不可捉時入雙松之濤作風雨簷簷尙書吾楚傑招魂不見迷江浦飄零遺老畱贈答丙戌殘年墨痕古南渡君臣猶記者不重社稷重風雅爾時江東舊供奉書有孟津畫楊馬秦淮燈影流花片歌酣落筆薰風殿永綺朱闌相點飛壁月瓊枝吐生面天子無愁宮娥舞此樂未教賡歌擅建業文房事渺茫鵲啼野草澄心荒龍跳虎卧亦何用徐家騎省不

在唐吁嗟乎宣和邁蹟成灰燼妙藝流傳豈非命始知歐虞與蘇
米遭逢太平鳴其盛有明之書董神妙衡山流宕枝山橫鼓吹休
明豈末朝天與淒涼作後勁詩歌已入滄桑劫脉望殘時轉道硬
主人愛奇癖入骨斷素橫擎錦罽壁百年文獻商評隲舉杯仍屬
楚騷客客來六代繁華窟弔古興興狂歌迫爲君披拂歌一疊歷
几忽若無筆墨但見淡如煙濃如雨中有南朝一幅興亡跡

白沙江上懷鄂侍衛簡庭卻寄二首

慈母寄當歸遊人淚滿衣西魚別東上朔雁逐南飛氣合交如拙
心長久不違辦裝相助急感義出京畿

亦知不忍別其柰秋風何片席一爲挂萬山從此多離心隨鳥陣
生計暫漁蓑那隔春明夢憑欄發浩歌君送別詩句云君記春明
想入夢回看北雁幾行成

秦淮殘柳詞

乙丑秋自京師南歸薄遊金陵同學數人招遊秦淮青
溪歌闌酒歇指點南朝往事輒爲黯然時秋風蕭瑟兩
岸衰柳零落將盡節序之感憑弔之愁悵觸於斯成三
十絕句敗筆零煤隨地所書不復收拾旣念劉夢得白
香山諸公皆作楊柳枝詞以慨亡隋而垂殷鑒流連感
歎之致頗有合乎風人因不自廢排比如左非徒作綺
語如李戡之譏元白秀鐵面之譏黃魯直也湘南旅人
自識

舊事傷心問碧流
數株況此曳殘秋
無情最是西風緊
釀出江南一段愁

暮色稀疏露綺寮
蘭舟指點兩虹橋
莫從丁字簾前過
半是秋絲半是潮

敗葉如花趁碧清。鶯鶯夢冷畫船秋。秦淮自是多情物。咽到青溪不肯流。

十里燈船漲翠痕。珠簾明鏡盡銷魂。寒霜古渡無人管。一樹蕭蕭閉繡門。

長板橋邊最可憐。嫩于春水弱如煙。如何肯向西風裏。委盡芳心與暮蟬。

飛絮飛花想像知。靈和官樣竟如斯。風流那得常常在。月落烏啼又一時。

送別河房西。又西鶯啼一樹綠。萋萋空條落盡郎。何處獨上高樓望馬蹄。

澹澹飛鳬寂寂山。莫愁湖影接闌珊。長天秋水人來少。冰簟銀牀生暮寒。

桃根桃葉去迢迢艇子歸來隔暮潮死外驚心惟有別更無人惜
最長條

妾似長千里畔樹枯條旖旎復纏綿郎如揚子江頭葉隨風吹蕩
落誰邊

白舫青簾絮滿頭南朝指點付閒鷗年來怕聽瀟瀟雨況是黃昏
水閣秋

法曲春燈御漏遲鳳凰窓柱萬絲垂年年流盡薰風淚只有殘陽
似舊時

異種西川特特栽橫飄豹尾拂瓊杯莫欺數點飄零色曾向延禧
殿裏來

萬竹園荒石磴斜寒煙明月帶栖鴉朱門一本顏唐甚不是江家
卽段家

映水平莎變慘紅香車想像麴塵風中山公子飄零盡樹底誰來繫錦驄

七尺氍毹翠影空石巢片片各西東南朝自產江都令莫怨臺城一夜風

舊院荒蕪朱雀航物猶如此劇淒涼傷心更有丁張在不獨琅玕大道王

風前曾與鬪腰肢李宛輕旋顧喜遲斜日涼風太蕭瑟誰人爲唱司勳詩

十丈秋千斷索飄飛塵深鎖赤欄橋宛君眉黛香君眼都付青溪一夜潮

隔船凌夜發清謳舊李門前月色流恐是故宮楊柳曲一聲低曳過朱樓

盤得銀環樣不成兩株顚顚太無情方他法部孤鸞調可是彈琴
卜玉京

梁園人到又秋霜歌冷樓空望媚香樓外寒煙煙外水鳥啼千縷
恨茫茫

肥水尙書夢已醒眉樓無處問飄零白門柳劇何人唱多少吳嬈
掩淚聽

武定橋頭更黯魂一枝猶如晚粧痕江南紅豆樽前苦留得青衫
寇白門

卷葉曾爲玉笛吹沙笙傳曲暗相隨如今滿地蕭疏影香月重來
欲照誰

十二欄杆倚復拋風低雁字響颼颼隔溪更送淒涼調腸斷魁官
舊日簫

兵斫煙焚舊木多一年一度一蹉跎天公不斷煙花種依舊粧樓
絲萬柯

天地無情草木悲千年憑弔向何誰何如送客勞勞樹不管興亡

管別離誰家秋案何誰見
晉書陳實傳

龍虎江聲日夜凋短衣重上石城橋客心正似長淮葉舞向秋風

未肯銷

滿庭霜華雁度遲溪風夜半酒醒時南朝頓老風流盡莫倚琵琶

唱柳枝

廣陵揚開鼎跋云湘潭張度西先生何里名家元和宗派氣如
衡嶽卷舒則風雨齊飛才似洞庭吞吐則蛟龍奔宕騰鴻都之
紙價凌韓蘇蘇堅虎觀之文章沈沈沈沈沈沈沈沈沈沈沈沈
之詞藝兩推袁爭結紵衣之好爾乃沈沈沈沈沈沈沈沈沈沈
寺晨鐘暮鼓送來法郎間愁十二樓繡箔珠簾提入板橋新夢
問桃花之舊扇人去丁蘇唱燕子之妖詞聲銷楊柳愛停玉盞
快寫江箋借殘柳以抒懷對秋風而結鬢氣以森沈而跌宕句
因蕭瑟以風流蓋英雄感慨之情非兒女婀娜之恨懸之綺閣

桓子野橫笛而吹歌向青溪王小令倚簫以和此固永豐園角
白傅遜厥風華館娃宮前柯古失其韻態者矣秋多悲氣憶子
在瀟湘黃葉之中儼本恨人銷魂
於燕塞斜陽之際乾隆丁卯秋日

烏江

月起客心處寒潮一夜生飛霜橫浦斷遠火帶江平美女終亡國
重瞳尙愛名啼烏亦何恨出沒荻花聲

天門山

遙山含變態一轉一回看日坼長江穩天深萬古寒壁光流鳥出
潮響帶鐘殘時見巉巖裏飛旗捲戍竿

羅刹磯黃侍中投江處

七尺樓臺碧已非山頭松栝紫爲誰平江蒼莽飄殘壘雲氣飛揚
起斷碑南國有君同蜀宇北朝無地葬湘纍狂濤夜打危磯咽猶
是登陴太息時

江上望桐城諸山懷江若度許嘯斗

天柱山盤二百里羣峯到水復崢嶸遠矚日月通三楚直遏雲濤
散九江呼吸高深都有應縱橫氣縈各難降秋風舊社飄零後望
斷遙空鶴一雙

小孤山

楚吳青不歇一髻遏中流天外白奔塔雲中紅結樓寒穿山鬼嘯
香隔小姑愁那與尋高頂茶煙俯去鷗

石鐘山行

下鐘之石如堂墮織文五色回龍章鬼刀摩天劈混沌一削無底
沈皴皴上鐘之石更錯愕騰空出水怒相搏骨朽龍虎出竅與乳
乾獅象垂涎沫彭澤成鼓聲欲死行人抽帆不可止是時大雪風
怒號手足皸瘃推篷喜西江一綫白千里山斷城懸鐘在水湖水

欲出大江礙蹢躅虛無吐百怪諸天雷霆走搜攪百竅鏘鏘發澎湃飛鳥一擊失精爽幡然卻避青冥外傷神絕飢仍飄蕩變色悲歌何慨忼縱橫才力羞絕境幽暝山川發奇響圖畫丹青鬼靈愁大地玲瓏天亦訕喜從神壑漱肺腑不悔飢寒歷決莽收歌激越氣昭蘇出坎須臾意恂悅朱崖白浪更回頭西風一一吹塵沆

入彭蠡湖

沙黃風黑鳥驚還天墮洲沉倚望閒一線遙通鶯子口中流飛出大孤山殘年冉冉淹爲客水國茫茫早閉關幸有陳蕃懸榻在朔雲寒角一開顏

曉起望五老峯雲氣

五峯騰踏不著地諸峯跋之纔及臂昨來山背勞項脰洩霧噓雲仙遙翠今朝風景稍清新時乙丑仲冬岡嶺脈縷繡分碎心胷開若走

陰陽肘腋凌兢藏汁次煙波月下宮亭湖殿脚日出開先寺閒雲
一片起何處娟妙遲回出崖戶五片十片來油油細抱山腰塞山
跗初如鯨鯨飄縞雪或如冉冉糝落絮旋如團團轉車蓋又如燦
燦束裝布低者猛獸躍深林高者倦鳥歸孤樹破碎虛空作堂與
翦裁巖曜羅屏著風吹蓮花化爲裳組帶飛揚出遙曙杳冥萬壑
忽一白山靈湖神不敢怒生平嗜奇如昌歆靈謁豪吟異搜攬前
年騎馬虎溪橋雨蹄濺火泉衝領北固金焦枉到目九華飄渺負
登覽俗情啍沫滯遐曠名山面目藏黯淡倚天願得長虹劍割取
鬚眉入鉛槧

高觀樓歌

豫章藩署東樓舊名攬秀乾隆癸亥燬于火藩伯彭青
原先生重建加崇焉名曰高觀拾級而登江山一覽諸

樓閣皆俛視之興至而爲長歌

浩浩乎市人鴉鵲之聲不可接但有郊原城郭之紫紅白雲蒼茫
出行省雙足已辭寥濶中西山一相見突如天馬脫鞵鞞振嘯蹴
踏立于天門九扇之長風洪崖把手朝帝子千峯羅笏扶出青芙
蓉天雞啼空暮煙濶數人飄飄在碧落南浦如砥水如杯章貢一
白注無著眼中已失第一臺何況香城列岫秋屏閣藩封政肅油
幢閒此樓東峙爲臨觀誰其剏者自成化後爲攬秀重朱丹天慳
豐儲不出堞俯仰偃仄慚江山夏邑夫子來自楚頽檻憫此風煙
殘帝遣祝融鑿平地待公巨刃摩天關公身日坐紫微省下弄牛
斗如彈丸振衣吳楚最高頂排風著此雙欄干鳥飛不過客語壯
日斜半占城陰寒眼前數代邨足問森沉欲闢洪濛顏百物經霜
下黯淡然後湖山千里躍入胷懷間搔首呼三王蛟龍怒奔宕江

流斷古今賦序空懷愴詎知後出二千載山色江聲不肯讓南臨
鬱孤嗤李勉北平嘯臺卑庾亮豫章老餘翠環抱梅嶺香壤繡開
張遂令區區王與陸徘徊簷棧羞肇叔詞人來南州莫問滕王邱
天風吹萬里直上高觀樓不見此樓衝霄割漢十千丈但見我公
之德近如樓中雲立遠如樓外山浮雲山浩歌收不止征帆婀娜
相將起衡岳隱現出肘腋我公之德舊相比安得重爲開其雲豁
其日高觀亦如此瀟湘無塵洞庭見底黃鶴之南岳陽之汜高樓
長劒連天筒不獨吸盡一口西江水

積布磯

久客厭青山西來勢逾怪磯身攢蒼冥石氣裹破碎斜衝漩渦回
直削積水礙盤根裂巖褶沈影翻澹瀨刻劃星斗文歌笑風雷噫
黑鷹避其深白日憊在外長年牽舟上裊裊遞隱晦扶緣織雲歌

踟躕空天壤徑危一纜盡槩絕兩崖對仰望綫縷傾倒身波瀾大
今年雨澤愜雨楚農事億珠桂那忍聞楮褐豈得句層真可翦裁
衣被亦云賴但吟垂堂訓無復蒼生慨真宰不可問臨風默相酬

白鹿磯

江行趣無端縹緲乘險境豈不念威遲佳處逐所領慘慘日變光
礚礚石殊景洩瀨噓晨煙跋雲弄微暝暖冰搗鷁散垂篠猿猱靜
厂人構懸屋奔濤蕩危影挈舟盤藤根疾呼動笳簫况有素心胸
發興每俄頃詩罷氣軒翥醉餘目清警生平江湖志競賞展煙艇
終當扣長天一笑洗滓溷

登吳城望湖亭

鄱陽東瀉贛江俱抱合危亭一髻孤直下長風奔左蠡遙懸明鏡
照香鑪湖神夜擁千帆雨嶽雪晨分萬嶂圖戰壘荒蕪寒草盡不

堪倚檻望飛鳧

題胡雨方南州一詠卷首

驚我目者江山之景日絡繹驚我心者手中之筆誰掣搦今年把
袖辭上京抽帆劈浪東南征金焦喝起海門閉牛渚馬當凌霄行
糜糗枝羞引歸路虛無掉弄生精靈前日過湓口將書報慈母歸
期不道遠爲謁洪厓叟洪厓山前懸新詩奇聲硬語何人辭胡君
憂憂真獨造吟肩高聳搜肝脾荔枝酒紅橙子白同作諸侯醉賓
客滕王楫之入扁舟濯足西江一勺碧人心自有太古氣勢與江
山兩相際此中之氣凝真詩一笑那知造物忌吁嗟乎爰居不識
鐘與鼓魯門偏仄鍛其羽黃鵠高嘯摩九閭巧譏乃不如鸚鵡雲
夢蒼茫芷蘭宅纍騷出補風詩缺天教楚人不縮胸各抗其胷卓
其骨寒天大地龍蛇礙名山巨壑文章怪風霜磨礪老骨格性情

厚薄分疆界。吾輩須爲麟獨角。世人但訝馬腫背。雪片壓帆大如手。翻燈搔耳傾數斗。高歌君起變鳴鳴。古劍應之墮鞘吼。將毋彭蠡乾。或是匡廬裂。惻然神龍榻底悲。推篷恐有淒風入。十月雷生左里山。四更月出南康石。我欲和之吟不成。鄉思客夢難爲情。大江流月無聲去。眾波搖天天浸星。中流回首斗牛窟。雙氣爲君挈其一。畱其一。將待誰。我有珊瑚之鉤。颯颯常懼衝風吹。

回山行

卽道士猷

青山不放江出楚。北斗茫茫落洲渚。天兵破浪斬青冥。雲夢瀟湘罅如縷。青冥罅裏擎舟上。逼眼精靈狎空曠。舵側檣回變怪生。若與舟爭誰肯讓。雪骨崩空朽龍虎。皴皮削屑生霜雨。西風巫峽搖臂脚。東旭金焦吐門戶。石根駕濤裏相逼。濛濛冲融嵌虛碧。半占青天烏鵲巢。下沉斜日龍鼉宅。枯楓老杉皆十圍。根盤蛇蜴葉倒

垂寺門高開大竹翳陰風或恐來山變下臨公瑾散花洲南屏遺
映宿霧收棹聲嘔啞落空翠鳬鷺散亂淩清秋造物好奇不好平
幽人于此得性情玲瓏破碎卽自惜夢魂圖畫生其精采石馬當
猶趲客及茲每歎飄臺髮安得冥冥萬丈梯舉袖長揮失吳越
得程竹坡書

幾日鄒陽獄何方李白居西風吹白髮今夕見君書

臨臯午望

回山赤嶼接嶺岼猶是抽帆半日看楓葉遠窺魚網下浪花飛撲
酒帘乾殘年江漢羣龍蟄百戰樓臺一鳥寒飄泊自慚風景負月
波深處失盤桓

短歌行別胡雨方

送我于迷天一葉之扁舟君歌我亦回首茫茫愁黑雲深翻丹火

滅峭雨隰踏長江流鬼神哀樂不可測歌且喜立倉卒荒岸雞鳴
起蕭瑟君不見蛟鼉夜嘯澄潭寒詰朝咫尺忽相失

大雪獨登黃鶴樓作短歌

風雄雄雪冥冥岷江駭浪流洞庭漢水大別隨東征黃鵠不可騎
鐵笛不可聽左不見鸚鵡之洲右不見郢月之城樓蒼茫雲縱
橫李白一去三千齡李白一去三千齡誰能當此江山今有酒吾
欲與之同傾

望岳陽樓

鐵笛仙人不可見騷客詞賦徒空函大江東流洞庭雪衡山北轉
瀟湘帆城圯積霾餓虎怒天飛斷木神鴉銜飄然孤舟那得到峭
風回我之布衫

過洞庭湖

君山相逐扁山飛銀渚斜衝玉磧違湖挾沅江千里動天開雲雪
一帆歸鴈邊風急殘年老鷗外濤寒客興微到晚離魂栖磊石巖
煙起處射斜暉

男姪
聲有普孫啟
如泰
沃
豐
校字
裕幹
光